

quamquã & heic subveniret atq; intercederet aliquis cum Natali Comite Muretus (21) scribens, *Non igitur, cum Poëtarum libros interpretamur, inanibus fabellis, nutricum more animos ducimus, sed sementem quandam virtutis atq; doctrina facimus: non in levibus minimeq; frugiferis rebus operam sumimus, sed præcepta sapientia, quò facilius in animos influant infatiabili quãdam admirabilium rerum varietate condimus.* Quibus succinit M. Fabii Quintiliani 22 sententia, *Non est æquum id haberi malum, quo bene uti licet.*

Ne hæc, inquam, aut alia quæ in hanc rem dici possent ipso quoq; B. Luthero 23 hyperaspiste, qui non satis habuit, quod Ecclesiam & religionem à fermento Monachorum & Pontificum repurgasset, nisi quoq; Æsopicas fabellas pro Scholis emendaret & emundaret, allegemus: Certè de virtutibus Gentilium honestius atq; mitius sentiendum est atq; pronanciandum. Nempe in hominibus non renatis, quales sunt isti Gentiles, quorum unus fuit & præcipuus Magnus ille Alexander, duo sunt consideranda: *Quaedam iis insunt, quatenus sunt homines, quæ neq; ex fide neq; ex incredulitate, sed ex natura propriè fieri dicuntur, ut opera naturæ peragere, naturalia contemplari, politicam societatem adjuvare, ad cognitionem Dei adspirare:* De his, in quorum censum referenda etiam sunt virtutes, non potest dici, quòd sint peccata, quum etiam in renatis locum habere possint. *Quaedam verò iis competunt, quatenus sunt non renati, ut ignorare Christi personam & beneficia, loco veri Dei aliquod idolum colere, &c.* Atq; hæc sunt referenda inter opera carnis & ea quæ non ex fide sunt. *Vides itaq; virtutes hæc Ethicas*  
neq;

(21) Orat. 3. Volum. I. de Usu & præstantiã literarum humanior.  
(22) lib. II. Institut. cap. 17. (23) Vide Tom. V. Jenens. fol. 285. b. seqq.